

永樂初有客游京師丰姿清矯拂拂修髯而衣服禮容似公
車客狀居京頗久與戶科給事中胡濙相契常作詩酒之會喜
擬文選體多不存稿客聞朝中僚屬事畢閒談多言神仙事又
聞侍讀胡廣欲舉張三丰仙術上聞客心厭之一日飲於客齋
忽謂胡濙曰吾友善事明君我將遠引深山也濙驚叩其故不
答數叩之乃掀髯笑曰吾卽三丰子也言畢逕去不知所往其
後胡濙訪三丰祖師因有卻憶故人從此隱題詩誰似鮑參軍
之句云

一晤因緣

永樂四年冬詹事府主簿南陽張朝用常見一道人行止異奇
道藏輯要
三丰全集 顯蹟
无續畢集七
足不履地手撚梅花口吟秋水趨前詢之乃三丰仙翁也明年
帝命胡濙游訪因薦朝用同行已不知其去向矣

道示明玉

永樂中有羽客游內江寓明玉道家詭云龐姓微示以異嘗
履極險不墜涉水無少濡明玉善符咒多奇驗欲傳授羽客羽
客笑曰我以道俸君君乃以法授我耶乃作道法會同疏一通
與之明玉大驚跪請其名號乃知爲三丰祖師也居歲餘胡濙
物色之遂不留四川通志遂同玉見胡尋又來往峩眉山中

明殿飛昇

明成祖自遇西僧哈立麻之後頗萌道心尙書胡廣因言張三